

B.4.2. 利與弊

2 唔同種類嘅分工可以帶嚟唔同嘅好處。

I 先講最常見嘅“複習分工”嘅好處：

- n 可以提升生產效率。
 - u 首先每位工人因為只負責一部份嘅工序，所以學習工序嘅時間相對減少。而且工人不必轉換工作位置或工具，可以慳返唔少時間。
 - u 除此之外，工人因為不斷重複相同嘅工序，所以可以熟能生巧。
 - u 僱主亦可按各人嘅專長分配工作。
- n 可以更有效地使用資源。
 - u 好多時候喺生產嘅過程當中，唔同嘅工序都需要唔同嘅工具或資源。進行分工後每個工人只需要分配所需要嘅工具或資源（而唔需要配整套工具）。
 - Ø 工具嘅數量可以大幅減少，而且每件工具或資源嘅使用率亦會上升。
- n 分工有利廠商進行機械化。
 - u 當工序被分成個別細小嘅步驟後，廠商可以研製不同嘅機械或工具協助生產。
- n 降低工人成本。
 - u 進行分工後，僱主可以用較低嘅薪金嚟僱用工人進行一 D 要求低技術或低智識嘅工作。總工人成本因而可以幅低。

I “簡單分工”嘅好處包括：

- n 當進行簡單分工後，大家就可以專注喺唔同嘅生產，咁係有助知識嘅累積及社會發展。
 - u 你諗吓，如果 D 科學家、醫生個個都要耕田種菜先有飯食，邊有咁多時間做研究。
- n 當大家嘅職業專門化後，物品交易就會出現。因此我哋可以生產同消費更多種類嘅產出。
- n 而因為我哋個別嘅生產效率提升，理論上工作嘅時間亦可減少。因此我哋會有更多嘅餘閒時間，生活質素因此得以改善。

I “地區分工”嘅好處包括：

- n 可以更有效嘅運用唔同地區嘅資源。
 - u 例如喺油田度我哋應該採油，而唔係用嚟種菜。
- n 當地區“專問化”後可以產生“協同效應”。
 - u 例如好多人想買波鞋都會去旺角嘅“波鞋街”、想買金魚就去金魚街。該地區嘅鋪頭就因此得益。
- n 透過唔同地區/國家嘅貿易，人民嘅生活質素可以得以改善。

- 2 當然，“分工”亦唔係百利而無一害。“分工”都有缺點嘅。
- l “簡單分工”嘅缺點包括：
- n 當社會入面各人嘅職業專門化嘅時候，好容易會造成階級化。
 - n 厭惡性較高嘅工作可能冇人做。
 - 2 話雖如此，不過以上嘅現象喺現代化嘅社會可以話係“無可避免”。
- l “複習分工”嘅缺點包括：
- n 工人不斷重複相同工序，容易感到沉悶。工作效率可能因而下降。
 - n 工人因為而懂得某個特定工序、在轉職時會面對困難。被解僱後工人亦較難尋找其他工作。
 - n 工人因為長時間重複相同工序，容易患上職業病。
 - n 因為要進行分工，所以物品及生產過程必須標準化。因而物品失去獨特性。
 - 2 我曾經聽人講“著某某牌子嘅衫好似著校服咁，成街嘅人都著同樣嘅衫”。
 - n 而因為物品被標準化、工藝品嘅生產會減少。傳統手工藝或技術可能因此失傳。
 - n 當生產過程進行分工後，如果某一工序停頓時（例如因某批工人罷工），整個生產過程便會因而受到影響，甚至中斷。
- l “地區分工”嘅缺點包括：
- n 行業集中可能會帶嚟惡性競爭。
 - u 物品嘅價格雖然可能下降，但物品嘅質素亦可能因此受影響。
 - n 國家與國家間可能會過份倚賴。
 - u 當世界局勢改變嘅時候，國家可能會受到別國嘅威脅。
 - Ø 例如產油國可能會減少石油產量。